

Orémus. *Oratio.*

DEUS, qui nobis sub Sacramento mirábili, passiónis tuæ memóriam reliquisti : tríbue, quæsumus ; ita nos Córporis et Sanguinis tui sacra mystéria venerári, ut redemptiónis tuæ fructum in nobis júgiter sentiámus : Qui vivis et regnas cum Deo Pa-
tre in unitáte Spíritus sancti Deus, per ómnia sæcula sæculórum. **R.** Amen.

f. Dóminus vobíscum. etc. 20.

AD MISSAM.

Introitus. *Psalm. 80.*

CIBAVIT eos ex ádipe fruménti, allelúia, et de petra, melle sa-
turávit eos, allelúia, allelúia, allelúia. **Ps. ibid.** Exsultáte Deo adjutóri nostro : jubiláte Deo Ja-
cob. **f.** Glória Patri, et Filio, et Spirítui sancto. **R.** Sicut erat in
princípio, et nunc, et semper,
et in sæcula sæculórum. Amen.
Cibávit eos ex ádipe fruménti,
allelúia, et de petra, melle sa-

turávit eos , allelúia , allelúia,
allelúia.

KYRIE, éléison. **K**yrie, éléison.
Kyrie, éléison. **C**hriste, éléi-
son. **C**hriste, éléison. **C**hriste,
éléison. **K**yrie, éléison. **K**yrie,
éléison. **K**yrie, éléison.

GLORIA in excélsis Deo, et in
terra pax homínibus bonæ vo-
luntátis. Laudámus te. Benedíci-
mus te. Adorámus te. Glorificá-
mus te. Grátias ágimus tibi pro-
pter magnam glóriam tuam. Dó-
mine Deus Rex coeléstis. Deus
Pater omnípotens. Dómine Fili
unigénite Jesu Christe. Dómine
Deus, agnus Dei, Fílius Patris.
Qui tollis peccáta mundi, miser-
rére nobis. Qui tollis peccáta
mundi , súscipe deprecationem
nostram. Qui sedes ad déxteram
Patris, miserére nobis. Quóniam
tu solus sanctus, Tu solus Dómi-
nus, Tu solus altíssimus, Jesu
Christe, cum sancto Spíritu, in
glória Dei Patris. Amen.

V. Dóminus vobíscum. **R.** Et cum spíritu tuo.

Orémus. **Oratio.**

Deus, qui nobis sub Sacraménto mirábili, passiónis tuæ me-móriam reliquísti : tríbue, quæsumus, ita nos Córporis et Sán-guinis tui sacra mystéria vene-rári ; ut redemptiónis tuæ fru-ctum in nobis júgiter sentiámus. Qui vivis et regnas cum Deo Pa-tre in unitáte Spíritus sancti Deus, per ómnia sæcula sæculó-rum. **R.** Amen.

Léctio Epístolæ beáti Pauli Apó-stoli ad Corínthios. 1. *Cor.* 11. d.

FRATRES ; Ego enim accépi a Dómino, quod et trádidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit : Accípite, et manducáte : Hoc est Corpus meum, quod pro vobis tradétur : hoc fácite in meam commemorationem. Similiter et cálicem postquam cœnávit, di-

cens : Hic calix novum testamén-tum est in meo sánguine. Hoc fácite quotiescúmque bibétis, in meam commemorationem. Quotiescúmque enim manducábitis panem hunc, et cálicem bibétis, mortem Dómini annuntiábitis donec véniat. Itaque quicúmque manducáverit panem hunc, vel biberit cálicem Dómini indígne, reus erit córporis et sanguinis Dómini. Probet autem seípsum homo : et sic de pane illo edat, et de cálice bibat. Qui enim man-dúcat et bibit indígne, judícum sibi mandúcat et bibit : non di-júdicans corpus Dómini.

Graduale. Ps. 144. Oculi óm-nium in te sperant, Dómine : et tu das illis escam in tempore op-portúno. **V.** Aperis tu manum tuam : et imples omne ánimál benedictione.

Allelúia, allelúia. **V.** Caro mea vere est cibus, et sanguis meus vere est potus : qui mandúcat me-

am carnem, et bibit meum sanguinem, in me manet, et ego in eo.

Sequentia.

LAUDA, Sion, Salvatorem, lauda ducem et pastorem, in hymnis et canticis.

Quantum potes, tantum aude : quia major omni laude, nec laudare sufficiis.

Laudis thema specialis, panis vivus et vitalis hodie propónitur.

Quem in sacræ mensa cœnæ, turbæ fratrum duodénæ datum non ambigitur.

Sit laus plena, sit sonóra, sit jucunda, sit decóra mentis jubilatio.

Dies enim solémnis agitur, in qua mensæ prima recólitur hujus institutio.

In hac mensa novi Regis, novum Pascha novæ legis, phase vetus terminat.

Vetustatem novità, umbram fugat veritas, noctem lux eliminat.

Quod in cœna Christus gessit,

faciéndum hoc expréssit in sui memóriam.

Docti sacris institútis, panem, vinum in salútis consecrámus hóstiam.

Dogma datur Christiánis, quod in carnem transit panis, et vi- num in sanguinem.

Quod non capis, quod non vi- des, animosa firmat fides, præter rerum ordinem.

Sub divérsis speciébus, signis tantum, et non rebus, latent res exímiæ.

Caro cibus, sanguis potus ; ma- net tamen Christus totus sub utráque spécie.

A suménte non concísus, non confráctus, non divísus, ínteger accípitur.

Sumit unus, sumunt mille : quantum isti, tantum ille : nec sumptus consúmitur.

Sumunt boni, sumunt mali : sorte tamen inæquáli, vitæ vel intéritus.

Mors est malis, vita bonis : vi-de paris sumptiónis quam sit dis-par éxitus.

Fracto demum Sacraménto, ne vacílles, sed meménto, tantum esse sub fragmén-to, quantum to-to tégitur.

Nulla rei fit scissúra : signi tantum fit fractúra : qua nec stat-us, nec statúra signáti minúitur.

Ecce panis Angelórum, factus cibus viatórum, vere panis filiòrum, non mitténdus cánibus.

In figúris præsignátur, cum Isaac immolátur : Agnus Paschæ deputátur : datur manna pátri-bus.

Bone pastor, panis vere, Jesu, nostri miserére : tu nos pasce, nos tuére : tu nos bona fac vidére in terra vivéntium.

Tu, qui cuncta scis et vales, qui nos pascis hic mortáles : tuos ibi comménsales, cohærédes et sodáles fac sanctórum cívium. Amen. Alleluia.

Sequéntia sancti Evangélii se-cúndum Joánnem. *Joan. 6. f.*

In illo tém-pore : Dixit Jesus tur-bis Judæórum : Caro mea vere est cibus : et Sánguis meus vere est potus. Qui mandúcat meam carnem, et bibit meum sanguinem, in me manet, et ego in illo. Sicut misit me vivens Pater, et ego vivo propter Patrem : et qui mandúcat me, et ipse vivet pro-pter me. Hic est panis, qui de cœlo descéndit. Non sicut man-duca-vérunt patres vestri manna, et mórtui sunt. Qui mandúcat hunc panem, vivet in æténum.

CREDO in unum Deum, Patrem Omnipoténtem, factórem cœli et terræ, visibílium ómnium, et invisibílium. Et in unum Dómi-num Jesum Christum, Fílium Dei unigénitum. Et ex Patre natum ante ómnia sæcula. Deum de Deo, lumen de lúmine, Deum verum de Deo vero. Génitum, non factum, consubstantiálem

Patri : per quem ómnia facta sunt. Qui propter nos hómines, et propter nostram, salútem de-scéndit de cœlis. (**Hic genuflecti-tur.**) Et incarnátus est de Spíritu sancto, ex María Vírgine, et hó-mo factus est. Crucifíxus étiam pro nobis sub Póntio Piláto, pas-sus, et sepúltus est. Et resurréxit tértia die, secúndum Scriptúras. Et ascéndit in cœlum : sedet ad déxteram Patris. Et íterum ven-túrus est cum glória, judicáre vivos et mórtuos, cujus regni non erit finis. Et in Spíritum sanctum Dóminum et vivificántem : qui ex Patre Filióque procédit. Qui cum Patre et Fílio simul adorá-tur, et conglorificátur : qui locú-tus est per Prophétas. Et unam sanctam Cathólicam et Apostóli-cam Ecclésiam. Confíteor unum baptísma in remissiónem pecca-tórum. Et expécto resurrectió-nem mortuórum. Et vitam ven-túri sæculi. Amen.

Offertorium. Levit. 21. Sacer-dótes Dómini incénsum et panes ófferunt Deo: et ídeo sancti erunt Deo suo, et non póllyent nomen ejus, allelúia.

Secreta.

ECCLESIÆ tuæ, quæsumus, Dó-mine, unitatis et pacis propí-tius dona concéde : quæ sub oblá-tis munéribus mystice designán-tur. Per Dóminum nostrum Je-sum Christum Fílium tuum, qui tecum vivit et regnat in unitate Spíritus sancti Deus :

PRÆFATIO

quæ dicitur per totam Octavam.

PER ómnia sæcula sæculórum.
R. Amen. **Y.** Dóminus vobís-cum. **R.** Et cum spíritu tuo. **Y.** Sursum corda. **R.** Habémus ad Dóminum. **Y.** Grátiás agámus Dó-mino Deo nostro. **R.** Dignum et justum est.

Vere dignum et justum est, aequum et salutare, nos tibi sem-per, et ubique grátiás ágere, Dó-

mine sancte, Pater omnípotens, aetérne Deus: Quia per incarnáti Verbi mystérium, nova mentis nostræ óculis lux tuæ claritatis infúlsit: ut dum visibíliter Deum cognóscimus, per hunc in invisibilium amórem rapiámur. Et ídeo cum Angelis et Archángelis, cum Thronis et Dominatióibus; cumque omni milítia cœlestis exércitus, hymnum gloriæ tuæ cánimus, sine fine dicéntes.

Sanctus, Sanctus, Sanctus, Dóminus Deus Sábaoth. Pleni sunt cœli et terra glória tua. **H**osánnna in excélsis. **B**enedictus qui venit in nómine Dómini. **H**osánnna in excélsis.

Communio. **1. Cor. 11.** Quotiescumque manducábitis panem hunc, et cálicem bibétis, mortem Dómini annuntiábitis, donec véniat: itaque quicumque manducáverit panem, vel biberit cálicem Dómini indigne, reus erit cörperis et sanguinis Dómini, allelúia.

f. Dóminus vobíscum. **R.** Et cum spíritu tuo.

Postcommunio.

Orémus.

Fac nos, quæsumus, Dómine, divinitatis tuæ sempitérna fructiōne repléri: quam pretiōsi Córporis et Sanguinis tui temporális percéptio præfigúrat. Qui vivis et regnas cum Deo Patre in unitate Spíritus sancti Deus, per ómnia sæcula sæculórum.

R. Amen.

f. Dóminus vobíscum. **R.** Et cum spíritu tuo.

f. Ite, Missa est. **R.** Deo grátiás.

f. Benedícat vos omnípotens Deus, Pater, et Fílius, et Spíritus sanctus. **R.** Amen.
Initium sancti Evangélii secundum Joánnem. **Joan. 1.**

R. Glória tibi, Dómine.
In princípio erat Verbum, et Verbum erat apud Deum, et Deus erat Verbum. Hoc erat in princí-

pio apud Deum. Omnia per ipsum facta sunt : et sine ipso factum est nihil, quod factum est : in ipso vita erat, et vita erat lux hominum : et lux in tenebris lucet, et tenebræ eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quæ illúminat omnem hominem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus : qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. (Hic genuflectitur.) Et Ver-

bum caro factum est, et habitávit in nobis : et vídimus glóriam ejus, glóriam quasi unigéniti a Patre, plenum grátiae et veritá-tis. **R.** Deo grátias.

IN II. VESPERIS.

Omnia dicuntur ut in primis Vesperis. 9. præter Antiphonam sequentem :

Ad Magnificat, Aña. O sacrum convívium, in quo Christus súmitur : recólitur memória pas-siónis ejus : mens implétur grá-tia : et futúræ glóriæ nobis pi-gnus datur, allelúia.

Infra Octavam Missa dicitur ut in die Festo, et non fit de ali-quo Sancto, nisi fuerit Duplex oc-currens non autem translatum, nisi sit 1 vel 2 classis. In die Octa-va non fit nisi de festo Sancti Jo-annis Baptistæ, vel sanctorum Apostolorum Petri et Pauli, si occurrant.

Infra Octavam dicuntur se-quentes Orationes.

5. De Sancta Maria. Oratio.

CONCEDE nos fámulos tuos, quæsumus, Dómine Deus, perpétua mentis et córporis sanitáte gaudére : et gloriósa beatæ Mariæ semper Vírginis intercessióne, a præsénti liberári tristitia, et aetéerna pérfrui lætitia.

Contra persecutores Ecclesiæ.
Oratio.

ECCLESIAE tuæ, quæsumus, Dómine, preces placátus admítte : ut destrúctis adversitatibus et erróribus univérsis, secúra tibi sérviat libertáte. Per Dóminum nostrum.

Vel pro Papa. Oratio.

DEUΣ ómnium fidélium pastor et rector, fámulum tuum N. quem pastórem Ecclesiæ tuæ præesesse voluísti, propítius résponce : da ei, quæsumus, verbo et exemplo, quibus præest, profícre ; ut ad vitam, una cum grege sibi crédito, pervéniat sempitérnam. Per Dóminum.

De beatæ Maria. Secreta.

TUA, Dómine, propitiatiōne, et beatæ Mariæ semper Vírginis intercessióne, ad perpétuam atque præséntem hæc oblátio nobis proficiat prosperitátem et pacem.

Contra persecutores Ecclesiæ.
Secreta.

PROTEGE nos, Dómine, tuis mystériis serviéntes : ut divínis rebus inhæréntes, et corpore tibi famulémur, et mente. Per Dóminum nostrum.

Vel pro Papa. Secreta.

OBLATIS, quæsumus, Dómine, placare munéribus : et fámulum tuum N. quem pastórem Ecclesiæ tuæ præesesse voluísti, assídua protectiōne gubérrna. Per Dóminum.

De beatæ Maria. Postcommunio.

SUMPTIS, Dómine, salútis nostræ subsídiis : da, quæsumus, beatæ Mariæ semper Vírginis patrocíniis nos ubique prótegi : in cu-

jus veneratiōne hæc tuæ obtuli-
mus majestati.

**Contra persecutores Ecclesiæ.
Postcommunio.**

QUÆSUMUS, Dómine Deus no-
ster : ut quos divīna trībuis
participatiōne gaudēre, humānis
non sinas subjacēre periculis.
Per Dóminum nostrum.

Vel pro Papa. Postcommunio.

Hæc nos, quæsumus, Dómine,
divīni sacramēti percéptio
prótegat : et fámulum tuum **N.**
quem pastórem Ecclésiæ tuæ
præssé voluísti, una cum com-
mísso sibi grege, salvet semper
et múniat. Per Dóminum.

FERIA SEXTA.

In primo Nocturno.

De libro primo Regum.

Lectio j. Cap. 2.

VENIT autem vir Dei ad Heli, et
ait ad eum : Hæc dicit Dó-
minus : Numquid non apérte re-
velátus sum dómui patris tui,
cum essent in Ægypto in domo

Pharaónis ? Et elégi eum ex ómnibus trībubus Israel mihi in sa-
cerdótem, ut ascénderet ad altá-
re meum, etadoléret mihi in-
cénum, et portáret ephod coram
me, et dedi dómui patris tui ómnia
de sacrificiis filiōrum Israel.
Quare calce abjecístis víctimam
meam, et múnera mea, quæ præ-
cépi ut offerréntur in templo : et
magis honorásti fílios tuos, quam
me, ut comedérétis primítias
omnis sacrificii Israel pópuli
mei ?

R. Immolábit hædum multitú-
do filiōrum Israel ad vésperam
Paschæ : * Et edent carnes et á-
zymos panes. **f.** Pascha nostrum
immolátus est Christus : itaque
epulémur in ázymis sinceritatis
et veritatis. Et edent carnes, et
ázymos panes.

Lectio ij.

PROPTEREA ait Dóminus Deus Is-
rael : Loquens locútus sum,
ut domus tua, et domus patris